



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vsvardi Martyrologivm

Usuardus <Sangermanensis>

Lovanii, 1573

Capvt VIII.

urn:nbn:de:hbz:466:1-42790

CHRONICON

item in Flandria, potissimum in finibus Menapum, vt veteres loquebantur. Vnde dictus est Apostolus Theoraciæ, Flandrensium, & Menapensium. In Fania discipulum habuit sanctum Dondonem abbatem. In Flandria Aldo donauit ei **Widenburth**, de suo vocabulo dictum. vbi in honorem beati Petri ecclesiam consecrauit, quatenus beatus Apostolus Flandrensibus & Menapibus patrocinetur. Obijt anno septingentesimo decimo tertio, Cui successit sanctus Erminus, episcopus & abbas.

Habuit etiam sanctus Vuillibrordus in Frisonum conuersione cooperatorem sanctum Vulfrannum, episcopum Senonensem. Is enim anno septingentesimo, cum licentia Childeberti regis, & Pipini principis, Frisonum genti quinq; annis infatigabiliter prædicauit, & multos, abrenunciata sorde idololatriæ, fidei fonte abluebat.

Ornauit tum etiam sua sanctitate, & vsque ad mortem exilij ærumna, Altummontem Hannoniæ monasterium, sanctus Ansbertus, episcopus Rothomagensis, cuius corpus Halidulphus abbas summo honore Fōtanellam retulit, anno sexcentesimo nonagesimo quinto.

Circa hæc tempora in Ghela martyrium perpeffa est ob castitatem sancta virgo Dympna Hyberna, à proprio genitore, cum presbytero Gereberno: & apud Tūgros, S. Euermarus, cū socijs.

CAPVT VIII.

Carolus Martellus, ex Alpaide filius Pipini principis, paterni principatus hæres fit, anno septin-

septingentesimo decimo quarto, qui mortuus anno septingentesimo quadragésimo primo, filios suos Carolomannum & Pipinum, principatus sui successores reliquit.

Regnarunt tunc in Francia, Dagobertus secundus, Childeberti filius, vsque ad annum septingentesimum vigésimū: Clotarius quartus, Theodorici filius, Clodouei & Childeberti frater, ac Dagoberti patruus, vsque in annum septingentesimum vigésimum secundum: Chilpericus rex filius Childeberti & Dagoberti frater vsq; in annū septingentesimum, vigésimum septimum: Theodoricus secundus filius Dagoberti, vsq; in annum septingentesimum quadragésimum secundum.

Carolus verò Martellus bellicosissimus princeps, & merito rex regum appellatus, imperare regibus maluit, quàm rex esse. Saxones vicit, Alemannos & Sueuos subiecit, Burgundos domuit, Aquitaniæ magnam partem suis opibus adiecit, Poponem Frisiæ ducem cæcidit, gentemque sibi plenè subiugavit. Maximè verò est memorabile, quod contra Saracenos fuerit religionis acerrimus vindex, & Gallorum fortissimus propugnator. Saraceni deuastrauerāt iam Vasconiam, Burdegalam, Engolismum, Santones, Pictones, & ecclesias Dei concremauerant: videbanturque statim tota Gallia potituri. Sed Carolus, Dei auxilio fretus, eis concucurrit, & peremit Saracenum trecenta septuaginta quinque (aut secundum alios, trecenta octoginta quinque) millia: ex suis tantum amittens mille quingentos. Qua victoria potitus, totas Gallias à Saracenis liberauit.

C H R O N I C O N

Grauit̄er autem offendit Dominum hic princeps, durius tractans ecclesiasticos: Sanctum enim Rigobertum Rhemensē archiepiscopum in iniustum exilium trufit, qui iusta de causa ei portam Rhemēsem aperire recusauerat. Hic tamen ipsum baptizauerat, & apud parentem ipsius Pipinum, in summo honore fuerat, qui ei etiam donauerat chor̄tem Gremacam. Similiter sanctum Eucherium, episcopum Aurelianensem, in exilium misit, cum omnibus propinquis, primum Coloniam deinde in Hasbaniam, vbi sexto exilij anno obiit, multis miraculis gloriosus. Causa autē exilij erat, quia Carolum liberē reprehenderat, de conuersis in stipendium militare ecclesię decimis; quodq; eundē valida manu, quam in Sarracenos ducebat, Aureliam intrare volentem, metu ne quid ciuibus suis iniurię ex militari licētia obueneret, vrbe exclusit. Misit etiam in exilium Cęlestinū abbatē Blādiniēsem, qui in Rotornacēsi monasterio obiit.

Claruerunt & alij: S. Siluinus episcopus Alciaci moritur apud Morinos, anno quingentesimo decimo quinto. Sāctus Hadulphus episcopus Cameraci residet, cuius pater fuit S. Ragnulfus martyr, S. Amalberga virgo in Belisia & Tempseca claret, cui os brachij fregit Martellus, volens sibi eam in sponsam rapere: hęc annofa obiit circa annum septingentesimū septuagesimū secūdum. Sāctus Erkenbodo episcopus Morinēsis, & abbas ad S. Bertinū, obiit anno septingētesimo trigesimo quarto.

Sanctus Hubertus sanctissimus episcopus Leodiensis, moritur anno septingentesimo trigesimo quinto, cui succedit sanctus Floribertus. Sanctus
Ermi-

Erminus, episcopus, & abbas Lobiensis, obiit eodem anno; cui succedit sanctus Theodulphus.

C A P V T I X .

Pipinus rex, tertius eo nomine Brabantiae dux, Carolo Martello, patri mortuo, heres succedit, anno septingentesimo quadagesimo primo, cum fratre Carolomano. Hic anno quadagesimo sexto à Zacharia papa in monachum attonsus est. Pipinus vero anno septingentesimo quinquagesimo, submoto Childerico rege, postquã annis nouem regnasset, auctoritate Apostolica Zacharie pontificis, & electione Francorum à sancto Bonifacio archiepiscopo, in regem vnctus est. Ingenti foelicitate, ac gloria belli, domuit Saxones in Austria: hoc est, in Orientali Francia; Longobardos in Italia: Vuadalos in Hispania; Aquitanos in Gallia. Obijt anno septingentesimo sexagesimo octauo.

Clarent circa hæc tempora sancti episcopi & abbates Lobenses, sanctus Amolvinus, sanctus Vlgifus, S. Abel. In Dononio, sancta Regina consanguinea Pipini, Aldebertus Comes Austrouandiae, eius maritus, sancta Ragenfredis abbatissa Dononiensis, eius filia, & Aua altera filia: Lætij sancta Hiltrudis virgo, quæ Hugonem Burgundionum principem sponsum in terris fugiens, à Theodorico Cameracensi episcopo sacrum velamen accepit. In Artesia iuxta Ariam, sancta Itisberga, filia Pipini regis. In Campinia, sancta Oda virgo, Lyræ, sanctus Gummarus. Gan- *Iconomæ-
chia.*
dau Hildebertus martyr abbas Gandensis. qui

anno septingentesimo quinquagesimo secundo,

N 4 contra